

# Maman!



Projet promovût di 'Il Friuli' e 'ARLeF'

## IL CJANTON DE CJANÇON

### SCUSE, GRACIIS, PAR PLASÈ

(Peraulis di Daria Miani;  
musiche di Flaviano Miani)

*Cheste e je une cjançon  
par studiâ la educazion.  
Joi ce biel che al è sintî  
cui che al rive e al dîs "Bundî!"*



*Al è brâf il frut che in muse  
cun coraç ti dîs ben "scuse!"  
Se ti à fat un tic rabiâ,  
tu lu âs di perdonâ.*

*Rit. Lis peraulis a son trê:  
"scuse", "graciis", "par plasê".  
Tant content cui che lis scolte,  
(al) vûl sintîlis une altre volte*

Piçule cerce de cjançon "Scuse,  
graciis, par plasê". O podês scoltâle  
dute te pontade di Maman! di  
cheeste setemane su Telefriuli.

## IMPICOTÎT

CUANT CHE  
SI È FERS,  
IMOBIL

## LIS AVENTURIS DI VIGJI E LUMI

### CJÂR DIARI,



ce lûs che e jentre in cjase  
vuê! Lis zornadis a  
son plui lungjis.

La Vierte e  
je rivade  
pardabon, e cun  
jê tancj gnûfs amîs.

La terace e da il bon acet a  
furmiutis e a paveis.

Jo o gjolt parcè che o saltuci  
come une suste par zuiâ cun  
lôr.

A son ancje trê ospits che  
no vevi mai viodût prime.

A àn un odôr une vore bon e a son  
verts.

A àn non Mente, Osmarin e Basili.  
Cuant che o voi dongje di Mente, il



Dissen di Alessia di Blancjade

so profum al è fuart. Ma no mi da  
fastidi: al è tant bon che no rivi a  
slontanâmi di jê!


Osmarin invezit, lui no lu capis  
masse ben. Al è simpri une  
vore **impicotît** e po, cuant  
che i voi dongje, al vûl simpri  
jentrâmi dentri tal nâs!  
Basili. Basili al è il gno  
preferît. Lui mi fâs i figots, al  
è slis e delicât e... al è ancje  
une vore bon! Gnam!

Cumò ti saludi, la mê  
paronute e je tornade a  
cjase cuntun gnûf amî. Miôr se o voi  
a presentâmi.  
Une bussade,  
Lumi



## ZÛCS

E je rivade la Vierte: disegne il zardin  
di cjase tô o la tô terace.



Maman! Une gnove  
aventure ogni  
setemane. Us din  
apontament su

telefriuli



**vinars aes 5.45 sot sere**

## LU SAVEVISO CHE...?

■ Il rîs al è un aliment cuntune  
predisposizion naturâl a  
conservâsi intal timp: se  
si lu ten a cirche 3 grâts  
e intune confezion sot  
vueit, al rive a durâ  
ancje 30 agns.



## > Tant par ridi



La mame i dîs a Pierut:

"Moviti a mangjâ i biscots! A son  
bielzà lis 7.50 e tu âs di jessi a scuele aes  
8.00!"

E Pierut al rispuint:

"Mame, sta tranquile, che al è scrit di  
consumâju dentri dai 6 di Avrîl!"

Pagjine curade di Daria Miani  
e dal Sportel Regjonâl  
pe Lenghe Furlane de ARLeF

**ARLeF**  
AGJENZIE  
REGJONÂL  
PE LENGHE  
FURLANE